

Nuugaatsiaq Illorsuillu siunissaat pillugu apeqquaqaat aallaavigalugu oqallisissiatut siunnersuut

(Inatsisartunut ilaasortaq Aqqalu C. Jerimiassen, Atassut)

Akissuteqaat

(Attaveqaasersuutitut, Ineqarnermut, Isorliunerusunut Upalungaarsimanermullu Naalakkersuisoq)

Siullermeerneqarnera

Siunnersuuteqartup Nuugaatsiap, Illorsuillu siunissaat pillugit apeqquaqaat aallaavigalugu oqallinnissamik qaqitsineranut Naalakkersuisut qutsavigaat.

Kalaallit Nunaanni Upalungaarsimanermut Ataatsimiisitaliap Umiammakku Nunaata eqqaanni qaqqat sisoorsinnaanerannut, sumiiffinnilu taakkunani qaqqap sisoorneranut atasumik tassaarsuaqarsinnaaneritut, upalungaarsimanikkut suliamik naliliinerat Naalakkersuisunit ilisimavarput. Tassani allassimavoq Illorsuit sumiiffittut uninngavigissallugu navianartorsiorfiusutut suli isigineqartariaqartoq.

Umiammakku Nunaanni aamma Kangerluarsummi nakkutiginninnermi periaatsit patajaatsut marluk, ullut tamaasa ujarassiuunit nakkutigineqartut, ukiut kingulliit tallimat ingerlaneranni Inuussutissarsiornermut Aatsitassanullu Naalakkersuisoqarfiup suliarisimavai. Kisianni periaatsit ilimasaarutitut atorneqarnissaannut suli piareersimangillat, periaatsip aappaa siunissaq ungasinnerusoq eqqarsaatigulu nakkutiginninnermut atormat aappaalu atorneqalernissaminut suli piariinngimmat.

Sumiiffimmi aarlerinaataasoq qanoq annertussusilik akuersaarneqassanersoq Naalakkersuisut 2026-mi februaarimi akueraat. Aarlerinaataasumut akuersaarneqarsinnaasumut tassunga siunertarineqarpoq, pinngortitami ajunaarnersuarnut, qaqqat sisoornerinuinnaangitsoq tassaarsuaqarnerinuinnaangitsorlu, innuttaasut isumannaatsuutinnissaannut periarfissanik pitsannorsaanissaq tulluarsaanissarlu. Aarlerinaataasut akuersaarneqarsinnaasut aarlerinaataasunik nalilersuinnermi aammalu sumiiffiit aalajangersimasut pillugit aalajangiinnermi ilaatinneqassapput. Aarlerinaataasut pillugit naliliinnermi, nunami sumiiffik apeqquataatillugu qisuariarnissaanut piffissaq naliliinnermut ilanngunneqassaaq. Aammattaaq aarlerinaataasut akuersaarneqarsinnaasut iliuusissat aarlerinaataasunik annikillisitsisussat pisariaqarnerannik naatsorsuinnermut atorneqarsinnaapput.

Ilisimasaleqatigiit inaarutaasumik aarlerinaataasunik nalilersuinnermik aammalu sumiiffinni, 2017-imi ajunaarnersuaqarnerata kingorna qimagutsinneqartunut suli kalluaasuni, isumannaallisaanerup annertusitinnissaanut suliniutissaasinnaasunik suli suliaqarput.

Taamatut oqaaseqarlutik Naalakkersuisut qulequtaq pillugu oqallilluarnissaq qilanaaraat.